

Monday, February 17, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

MHIP

Mizo Hmeichhe Insuihkhawm Pawl (MHIP) General Hqrs chuan Salem Venga Pi Rebek Chanchinthangi rawng taka thah a nih chungchangah an tawrhpuì zia leh duhlohzia lantirnan vawiin khan Vanapa Hall kawtah an pungkhawm.

Women & Child Development Minister Pi Lalrinpuii chuan he hun hi hmanpuiin tualthattu Pu C. Lalsiamliana chu a chungah dan anga hremna pek ngei a nih theih nana hmalak nise a duh thu a sawi a. Hmeichhiate chungah hleihlenna veng turin Department chuan theihtawpin hma an lak thu sawiin kalkhawmte chu harsatna hrang hrang an tawk a nih chuan phone number 181 ah engtiklai pawhin protection officer te pui turin biak theih reng an nih thu a sawi bawk.

MHIP General Headquarters President Pi Ngurmawii Sailo chuan Pi Rebek-in a pasal Pu C. Lalsiamliana kut tuara boralna hial a chungah a thleng chu pawì an tih thu sawiin, tualthattu Pu C. Lalsiamliana chu a phu tawk hremna hmu ngei se an duh thu a sawi.

Vawiin hun hmanna ah hian MHIP branch hrang hrang atangin mi thahnem tak an puang khawm a, au rualna hun hman a ni.



RNU DISCUSSION PRE PUBLICITY

Akashvani Aizawl Regional News Unit buatsaih thupui hrang hrang hmanga mithiamte thusawina hun RNU Discussion vawiin chawhnu dar 3 ah Mizoram Budget sawihona tihchhuah a ni dawn.

Vawiin chawhnua RNU Discussion ah hian Pachhunga University College atanga mithiam Asst Professor Lalthlamuana Ralte leh Malsawmdawngzela Hrahse, News Editor, Vanglaini ten mipuite hriatttur pawimawh tak tak an sawi dawn a, sawrkar kum thara Mizoram budget thlirna bakah sawrkar kum kal meka budget chungchang an sawi bawk ang.

RNU Discussion hi tun thla February leh thla leh March thla chhunga neih tura ruahman a ni.



PM MESSAGE

Prime Minister Narendra Modi chuan tukina Delhi leh a chhehvela lirnghing chungchangah mi tinte chu chi ai mai lo tur leh thlamuang taka awm turin a chah.

He thu hi Prime Minister chuan social media kaltlangin a sawi a, tukin lama Delhi leh a chhehvela lirnghing avanga buaina leh harstana thleng chu thuneitu ten an theih ang tawp a an bawhzui mek thu a sawi bawk.

National Centre of Seismology te chhinchhiah danin tukin dar 5:36 bawr chho vel khan India hmar lamah magnitude 4.0 a na in lir a nghing a, lirnghing intanna hi Delhi khawpui atanga kilometer 5 vela hla ni a ngaih a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar hi puan leh a ni ang.



EAM MINISTER HELD MEETING

External Affairs Minister Dr. S Jaishankar chuan India tuipui hnaih a awm ramte bakah India thenawm ram thenkhat hruaitute nen thukhawmin hmasawinna hnathawh hrang hrang an sawi ho.

He thutkhawm hi Oman ram khawpui Muscat-ah nghah a ni a, India External Affairs Minister chuan ram aiawh a hruaitu kalkhawmte hmaah thawh hona tha zawk neih a pawimawh thu sawiin a bik takin Sri lanka leh Maldives ramte harsatna chua India ram pawhin a ngaih pawimawh sak hle thu a sawi a, he thutkhawmah hian Mauritius, Maldives, Nepal, Bhutan leh Sri lanka aiawh ram hruaitu lu te an tel a ni.



CONGO INSURGENCY

Africa khawmualpui ram zinga Congo buaina chu punlun chho zelin helpawl M23 rebel ni a inchhal te chuan Congo khawpui lian ber dawttu Bukavu chu sorkar sipaite hnen atangin an la.

Congo ram hian tual chhung buaina lian tham kum 1990 chho khan lo tawk tawhin tun tuma an buaina tawh pawh hi United Nations chuan a hma lama an buaina lo tawh tawh nen a in an chhoh an beisei hial thu an sawi bawk.

